

鎮海縣志

卷二十四

卷二十五

鎮海縣志卷二十四

人物傳三

明二

薛三才字仲儒別字青雷鬯長子天資過人甫六歲器度如成童日誦數百言

屬對應聲十二歲應童子試主者詫爲異才萬歷十四年成進士授庶吉士

益博覽羣書考究古今經世之學明年改禮科給事中轉戶科冊封周王自

迎及贐送一無所受事竣遷兵科都給事中丁外艱服闋補禮科二十三年

充會試同考官稱得士三才在垣中數好直言

薛三省
行述

李成梁奏敗土蠻子

卜言帝已告廟宣捷三才再疏論其欺罔火落赤犯洮河總督梅友松巡撫

趙可懷言其志掠番非犯順三才力駁之兵部推故總兵官李應祥僉書南

京右府三才言應祥賄敗褫官不當復應祥遂勒免

明史稿
本傳

黔國公沐昌祚

爲巡按御史所劾詔按諸左右不法者昌祚以緬警上奏詞若訟冤三才言

一二廝役就訊而昌祚怙愆不遣是爲抗有司乎抗明旨乎

乾隆志

給事李沂

以建言下獄三才疏謂不當以言語罪諫臣湖廣貢鮓不稱旨布政以下俱

鐫級三才疏謂不當以口腹罪藩使

述行

秦王請封奉國中尉誼涉爲郡王三

才言非制朝鮮王李昞以長子疾請立次子埴爲嗣三才爭不可

本傳

復乞召

還諫臣姜應麟諸人一時躋之

乾隆志

給事中張濤言事被謫三才論救坐奪

俸

本傳

至如申明恤典戒飭學政慎選庶常諸疏多著爲令官給諫七年例推

京卿三才獨慨然請外補曰誰非臣子效職地出爲湖廣右參政分守荆西

道荆守陵璫橫甚嘗憾鍾祥令抗直欲奏逮力爲護持得善全以去稅監陳

奉驕恣不法三才裁抑之奉怒誣以撓稅上素知三才疏不下

乾隆志

就遷其

地按察使左右布政使三十一年楚宗人華越訐楚王華奎非恭王子大學

士沈一貫右王華越遂奪爵錮高牆王購玉帶石馬珍玩載入都謝當路宗

人蘊珍等率衆百餘邀至漢陽巡撫趙可懷遣副使周應治往捕獲三十餘人繫之獄諸宗噪軍門可懷急出解諭語過激諸宗悍者羣毆可懷立斃時變起倉猝獨三才與按察使李濤在

本傳

或有指上座謂三才曰使公早坐此

豈有今日三才因語諸宗人趙公已死朝廷寧遂置不問公等初非與殺巡撫者何苦佐亂人自及也於是諸宗稍稍散去三才與濤謹備庫藏朝夕治事如常而密授意諸郡王計縻亂者相飲啗娛之悍黨乃戢

述行

會巡按御史

吳楷遽以反聞請亟遣巡撫集兵捕都御史溫純議卽用三才而一貫用右布政使梁雲龍命未至楷又奏逆宗謀據南都帝怒立詔南京鄖陽江西河南勒兵進討而宗人居城中自如無一人逸及楷以荊州兵至亂已定雲龍命亦至諸悍宗悉就縛楷等欲實前疏妄言一鼓就戮而鄰鎮兵來者不止三才檄止之

本傳

明宗人非反罪在殺撫臣劫貢物耳楚獄因得不蔓尋移疾

歸

乾隆志

三才爲楚左轄不踰兩年多惠政時值三殿毀徵材甚急三才與商

約木至吾當親爲汝度中者立予值不汝稽也諸商信之以所儲木來三才
卽往視驗材之鉅細堅竄增減其價而給之如約不假手左右如此數四木
日集商旣獲利而官所贏亦無算矣楚又有內供綾紗及三色紙每歲一徵
費不貲三才悉其弊召紙商與定直願者聽從江右以貲多寡市如木商法
亦皆大喜爭往市所費價歲纔十二萬有奇視前所減逾半凡郡邑上賦牒
卽設一秤露臺例令其人手自稱而選屬員一人監視封識或隨事發或入
帑而俟他日以事發守藏者但主登數不得與出入故上者與給者皆獲所
贏瀕江之邑水盛輒決田爲江而額賦不除有一邑缺賦數百金者三才因
檢郡邑倉籍備荒歲額甚侈歎曰歉歲十年不一二見何多積以供漏卮乃
卽其郡通融計之使足爲備而以其餘補賦其悉心地方多類此三才旣乞
歸未抵家四日丁內艱三十七年徵拜右副都御史巡撫宣府單騎就道屏
諸迎候蒞鎮首嚴將吏賧軍之法

述行

修築牆堡善識敵情能禦之聲威日

著而以邊儲空虛乃奏曰臣檢故撫臣連標疏萬歷十八年宣大主客兵餉積至百萬今滌然一空矣中人之家猶有兼旬之積聚兵馬十餘萬與敵僅隔一牆而懸磬若是豈不足爲寒心夫諸軍糧餉月不過數錢八口之養率皆仰給餉不時至未免請貸則以料草布花質錢於債家錢未入手子錢已大去其半欲冀士飽馬騰其可得乎營伍日疲可慮者一也軍餉既缺必取盈於屯糧卽有水旱不得減免而屯戶逃徙者卒攤派於同堡賠累滋苦逃亡滋多屯堡日空可慮者二也且士必宿飽而後可以行一切之法糧餉不繼則上下相徇爲姑息而軍法有所不行將令日弛可慮者三也頃順保大名等府解協濟餉銀數萬臣與署餉司道臣吳鍾英計之宣鎮比歲不登倉無粒粟不及秋收召買明年客兵芻餉從何取辦乃召買之檄甫下而卒伍羣擁而訴者語甚洶洶臣再三諭遣之而後散去軍情日驕可慮者四也敵不渝盟正宜修補之日如築城堡繕亭障整器械儲芻糧皆疆圉急務有一

不需錢糧者乎士且枵腹遑及其他邊備日隳可慮者五也敵小犯約輒宜斷絕市賞整兵秣馬以待而邊將懲於五路之事動以爲口實於是狃於近利遂忘遠圖士氣日靡可慮者六也然此猶就平日言耳屬者議封不成諸部無統勢必彼此相爭爭則各挾其部落以求直於我疆場恐從此多事矣儲峙不豫何以備緩急可慮者七也疏上上是之逋餉稍集乃得嚴制出入不兩歲帑有餘金矣進兵部右侍郎總督薊遼至則覈軍額戒守備裁幕府公帑銀歲七千五百以充軍實嚴飭所部有媚敵增賞者與失律同科阿拜及阿暈妻滿旦盜邊三才停其市賞久之叩關設誓乃許奏復他寇有入犯者輒擊敗之在薊四年凡可以爲邊陲計者罔不殫力經營所築牆堡視宣府時而節省錢穀更不費四十五年召爲兵部尙書協理戎政禁軍多虛冒內侍尤甚三才銳意釐整中人深憾之爲蜚語以聞賴上信任不爲動時中樞久虛部事寢閣凡八閱月三才視篆二十日盡疏前此之積會撫順告警

三才請救北關以固開原復檄延綏入衛兵移駐山海一片石爲寧前應援并增兵防慶雲堡又請急城撫順以扼敵吭庶不致越蒲河而窺開鐵密授諸將方略謂當如昔人城大順先具木石聲言大兵趨混河而實用以興役城成則可戰可守敵氣懾矣然主者終莫能從也

光緒志

三才先後上籌九邊

疏遼事疏至數千言內紆籌畫外集謀議嘗終宵不寐遂以積勞而病因遼陽三帥敗歿京城震動猶強起校士騎射手疏言遼事當用遼人薦舊令李登雲故將劉綎子相而病日困四十七年四月卒年六十有五彌留之際所言皆邊關大計無一語及私計聞朝野震悼贈太子太保諡恭敏先是司天臺者言上將星失明蓋三才與忤城伯趙世新並時歿皆主京營者也三才面赤色氣清而骨勁意慮深長居官最愛民凡遇災沴立即奏報議賑議捐議折議貸不遺力其臨政大指在安靜不擾宣撫無魚署中未嘗市魚卽讌會亦不增設薊門爲文武將吏所幅輳幣帛饋饗之交甚侈三才在鎮飭大

吏百里內初蒞事一上謁遠者則否謁則手一刺不得以他儀入歲時不得以饋問至巡視邊堡前茅數隊辟行而已述行性至孝居親喪苦塊哭泣踰常制與弟三省友愛無間言遇宗黨有恩誼尤好推獎後進士多德之其歿也上諭祭有忠清表世文武憲邦二語時論咸以爲不愧云乾隆志三省及子士珩別有傳

劉調元字百揆諸生天性孝友事親能得其歡妻欲爲子授室斥曰姪年長尙未娶豈可先之有童子試屬爲結詞於學使者奉縑爲壽已與之結俄聞其人尙儼在衰絰中急返其縑且誨之曰功名定分汝讀孔氏之書乃短喪乎聽者聳然家貧設塾多所造就工部郎范我躬按察使謝渭皆其弟子也崇禎元年以貢授天台訓導學故有田以賑貧士後爲教官乾沒乃仍出以爲賑功令裁俎豆費遂致堂之牲移於廡配之鼎卽兼哲至是悉按簿正祭器不得有缺四年遷餘杭教諭諸生某不率彝倫其父兄訴諸學召之至與之

同處久乃相感而化尋解組歸卒年八十八

謝泰宗撰墓志

完有恆字我衷諸生讀書冬夏不倦一日見鄉人延醫者醫先訂酬金而後往

有恆慨然歎之檢醫書發憤研索遂大悟有延者輒往治分毫無取遇貧家

更周恤之年逾五十卒聞者莫不流涕

乾隆志

同族有德字秉彞諸生亦以醫

行義萬歷間邑侯黎民表以濟世名流旌之

項森穿山志

施邦彥字伯玉號印泉幼穎異嗜學弱冠餽於庠性孝事親色養兼至與弟瑞

彥

按乾隆志作端彥

友愛終身不析居耄而好學彌篤既卒總戎張扶輿欽其品以

邦彥嘗讀書普慈山爲立石於山麓曰明高士施印泉先生讀書處後祀邑

孝弟祠

唐志稿

王日華字君實一字東旭

居靈緒鄉龍山村

萬歷十九年舉人授德清教諭前學官例

以賑貧銀充諸生贄日華卻而不受值令方毀淫祠力贊之以其材新巖宮

而躬親將作不少間復以餘貲構育英齋所賞拔皆名士遷穎上知縣俗素

獷悍

薛三省撰墓志

有號稱天罡地煞者結黨爲患訪其實治之

謝泰宗撰墓表

復以雇役

派丁輸錢致豪強巧避而貧民被累乃覈其丁之多寡而裒益均之併裁總

收四人以免乾沒又裁豫備倉因其厲富人也

薛墓志

馬戶歲課駒又責償倒

斃日華謂春方孕而秋責其駒急何能堪請於上官併歲一課

謝泰宗撰墓志

他如

覈屯賦以清積逋減鹽引以通壅滯鑿河渠築隄防課種桑棗榆柳民有所

利銳然行之雖勞怨不少避會北土流民聚爲盜日華行保甲法擒獲殆盡

未幾觸暑中疾卒於官年五十九邑人皆爲隕涕

薛墓志

先是穎治有智井時

見火光人疑爲鬼物日華至夜察其光曰中有至寶焉縋之下得石刻黃庭

其陰則蘭亭也爲唐臨絹本遂載之歸今世所傳穎上本者是

曹志

子履祥字

慶甫諸生以行誼稱

光緒志

洪應科字媿之號振溟父墳以貢授訓導應科於書史百家無不窺善詩古文

萬歷十九年舉於鄉任岷縣教諭日以理學文章教士陞善化知縣剖獄立

決民爲謠曰公決獄一何速民裹糧不隔宿粟一升可往復丁父艱三十六

年服闋補宜黃廉明仁恕以所入俸置倉賑民多荷存活

乾隆志

素精九九之

術錢穀出入由錙銖至鉅萬一指掌間可得時猾胥積蠹侵欺官錢倚庫藏

爲淵藪應科清查若燭照吏不敢欺尤好鼓舞士類談經課藝一時諸生皆

蒸蒸嚮學邑中科名大振在任五年陞成都府通判

宜黃縣志

監建南五衛力禦

邊寇丁內艱起補保定府通判天啓初陞順慶府同知時永寧土司奢崇明

亂荼毒蜀境甚熾官軍屢剿莫勝總制張某知應科有膽略屬監軍事應科

慨然謂諸將曰爲朝廷滅賊敢避矢石乎每戰奮身先登斬獲無算崇明聞

名膽落乃使驍將樊龍樊虎乘間刺科傷重猶呼曰我雖死魂必滅賊遂卒

督撫疏聞於朝贈尙寶司卿蔭一子襲定海衛百戶

乾隆志

孫崑別有傳

陳大綱定海衛千戶萬歷二十八年調征四川土司楊應龍至婁山關與賊奮

戰陣亡奉旨卹錄贈都督僉事蔭一子指揮世襲從子應鵬別有傳

唐志稿參乾隆

劉堯賓字國薦一字鳳巢洪之後父某字雲峯工詩善畫并精形家言居鄉以厚德稱堯賓生而質敏自爲諸生喜性理之學嘗曰六經以外無餘書諸子百家悉屏不閱又以陽明良知之說直契康節一陽初動萬物未生之旨爲理學正宗與李誠立薛三省最契三省嘗兄事之館於吳得脩脯百餘金會族子寓於邸舍竊而逃弗問歸家并不以語妻子後族子還願以產償堯賓不受適有賢良之舉三省將以堯賓告有司力辭之萬歷二十一年以明經貢成均某侯延爲師請以堯賓子弟寄名邊籍中可得軍官堯賓大驚謝去時神宗倦勤而儲位未建言者輒遭斥責堯賓草疏謂繼嗣之立宗社安危人心羣望所屬非陛下一家之政也以廷臣忠愛之懷疑爲離間之語堯舜中天恐不若是欲率太學生以疏上祭酒聞之繫堯賓於齋室而焚其稿俄而選授洪雅縣知縣吏部給憑速堯賓去恐復有所陳也旣至任廉潔自好

杜絕私謁緩賦役寬刑罰革坊里歲修衙署費預備倉穀兵使者欲取以爲餉堅持不予復興建學校崇尚禮樂專務以德化民人稱爲小成都政聲大起以不能逐時趨竟左遷布政使理問卽解組歸囊橐蕭然惟杜詩一帙曰此蜀中土物也林居三十六年優遊知足其恭儉直諒之度不少改於諸生時里黨益推服之年八十七以無疾終

光緒志

李玉華字綺霞諸生幼負殊質寓目成誦作文一題必十餘篇嘗言吾之筆得南山爲架吾之墨得東海爲池方恣揮霍與武愛文薛三省謝渭以古文詞相倡和邑令丁鴻陽延之塾最禮敬之萬歷二十二年鴻陽分校鄉闈視玉華名在乙榜中大呼負抑主試驚問之對曰此蛟川奇士足占郗林一枝者也玉華孝事繼母無間言并好周恤鄉黨風裁尤峻嘗館湖州潘尙書家視其子有慢容輒反其千金之贄辭之歸後貢於京師值大學士孫承宗大閱九邊且援遼玉華上書言東事之失始於不救南關終於專救北關願無聽

宰賽煖兔之言以反成其聯絡之勢言皆切事承宗壯之將攜之行玉華心知遼事實無可爲以方對策大廷辭尋試授都督府經歷不赴官未幾卒年

五十八

謝泰宗
撰墓志

武愛文字信陵其先勳胄生而穎異方覆髮卽喜作古文詞時揭之廡壁間見者咸爲驚訝父甚期以科第名之曰愛文長與薛三才三省謝渭相友善三才從弟三台亦幼負殊質愛文以其鴻文無範每切磋之以成其學已而諸人皆先後登第愛文竟浮沈諸生間萬歷二十五年以選貢入太學名動京師士大夫爭延爲師一經指授俱有法度爲人矯矯持介節嘗著冰壺集以示志世稱冰壺先生值父母相繼歿廬於墓側以過慟致疾卒

光緒
志

薛三省字魯叔別字天谷三才之弟生而穎異絕倫七歲入里塾日誦數千言稍長卽能詩古文詞學使蘇濬嘗語人曰浙故才藪然皆擅制舉長至博通今古稱名世才惟薛某耳萬歷二十九年成進士改庶吉士授檢討內璫趙

綱聞三省名設席邀之拒不往并麾其帖綱驚服時議宋儒羅從彥李侗從祀事下史局三省言尊經則漢儒之功多衛道則唐儒之力大承統則宋儒之學正豫章延平上接伊洛之傳以授紫陽者也而或以其少著述病之然本朝如薛文清瑄亦未嘗多著述也而學行自不可沒其後從彥侗祀兩廡卒如三省議三省官詞林三載以母年老陳情乞歸尋丁內艱四十年服闋補原官明年充會試同考官所收多名士陞左春坊左贊善時光宗旣立爲太子福王尙留京邸三省疏言王今日就封揆之天時參以人事萬難再緩況親王分藩祖宗原有定制其之國又有定期卽皇上初年友于潞王篤自天性皇太后少子之愛倍於常情而俯從臣下之請不至過爲遲留者恩以義裁情以抑制也臣聞君父之愛其子以姑息爲下而以玉成爲上以自結於肺腸者爲私而以俯合於臣庶者爲公則福王今日之國不爲早矣乃舉朝未聞啓行之期是聖意莫測而羣臣未免於惶惑也疏入大臣亦力言之

上命諏日遣行旋奉詔使閩所過廚傳饋遺一切屏絕四十四年陞右諭德充東宮講讀官并命撰述誥敕三省謂近代代言務夸靡褻王言非體一遵古謨誥式言簡而意足四十六年主順天鄉試得顧錫疇卷欲置榜首以非北畿人遂列第二明年陞右庶子兼翰林院侍讀會兄三才卒於京三省痛悼不已上乞歸疏略曰臣兄三才誼切憂國念不顧身盡瘁以事死而後已永訣之日曾無一語及於家計幼子在抱不少顧盼同朝聞之皆爲傷悼手足之情臣何能忍且兄視臣恩勤誨育道兼父師一旦捐棄臣失所依數月以來淚竭目枯聲失喉澀臣亦強自裁割而悲從中來不可斷截哭多傷氣泣多傷血痛多傷神病症雜徵醫罔措手惟得及今扶兄柩歸親視兄葬則臣鬱結庶以少解臣病亦可漸調伏乞皇上體臣苦情允放回籍疏三上得告歸治喪葬天啓元年卽家起少詹事兼原官三年陞禮部右侍郎兼侍讀學士協理詹事府疏辭不許明年夏始赴官尋充經筵講官兼神宗實錄副